



Broj: 09-37-244/22
Vogošća, 02.03.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 02.03.2022. godine donio je

**ODLUKU
O PONIŠTENJU OTVORENOG POSTUPKA NABAVKE USLUGE IZRADE IDEJNOG I
GLAVNOG PROJEKTA ZA IZGRADNJU SPOMEN OBILJEŽJA POGINULIM ČLANOVIMA FK
"UNIS" VOGOŠĆA**

Član 1.

Poništava se Otvoreni postupak nabavke usluge izrade Idejnog i Glavnog projekta za izgradnju spomen obilježja poginulim članovima FK "Unis" Vogošća broj: 09-37-244/22, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 07.02.2022. godine donio Odluku o pokretanju Otvorenog postupka nabavke usluge izrade Idejnog i Glavnog projekta za izgradnju spomen obilježja poginulim članovima FK "Unis" Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 08.02.2022. godine pod brojem: 1353-8-2-11-3-50/22.

Sažetak Obavještenja o nabavci objavljen je u "Službenom glasniku BiH" broj: 7/22 od 11.02.2022. godine.

Tendersku dokumentaciju sa Portala javnih nabavki BiH je preuzelo 11 (jedanaest) ponuđača. Krajnji rok za dostavu ponuda bio je 23.02.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 23.02.2022. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Studio DVA" d.o.o. Sarajevo, broj int. knjige 80/22, sa ponuđenom ukupnom cijenom nabavke u iznosu od 3.850,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 09-37-244/22 iz februara 2022.

godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Studio DVA" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod b) TD traženo je da ponuđači imaju na raspolaganju 1 (jedno) lice VSS VII stepen-dipl. ing. arhitekture, odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) arhitektonske struke, sa položenim stručnim ispitom i 5 (pet) godina radnog iskustva.

Kao dokazi tačkom 7.4.2. pod b) TD su propisani Diploma o završenoj VSS i Uvjerenje o položenom stručnom ispitu za jednog dipl. ing. arhitekture (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) arhitektonske struke i dokaz o radnom iskustvu i radnom angažmanu.

Ponuđač "Studio DVA" d.o.o. Sarajevo je u svojoj ponudi (strana 17. Ponude) dostavio Ugovor o stručnoj saradnji i angažovanju tehničkog i profesionalnog kadra zaključen dana 24.07.2017. godine. Dostavljeni Ugovor je zaključen na neodređeno vrijeme.

Na strani 18. Ponude dostavljena je Potvrda o radnom iskustvu kao pripravnik broj: 1/26-03-2021 od 22.02.2022. godine, gdje se u tekstu Potvrde navodi da u periodu od 2017. do danas Irnes Mujagić, MA dipl. ing. arh. radi kao zaposlenik na poslovima projektanta arhitektonskog dijela projektne dokumentacije.

Uvažavajući dostavljene dokaze u Ponudi ponuđača "Studio DVA" d.o.o. Sarajevo, Komisija za javne nabavke smatra da ponuđač nije dokazao zahtjevano radno iskustvo od 5 godina za Irnesa Mujagića, MA dipl. ing. arh., iz razloga što je datum zaključenja Ugovora o stručnoj saradnji i angažovanju tehničkog i profesionalnog kadra 24.07.2017. godine.

Također, Komisija za javne nabavke je uočila da je ponuđač prilikom uvezivanja zamjenio naslovne stranice originala i kopije ponude.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke usluge izrade Idejnog i Glavnog projekta za izgradnju spomen obilježja poginulim članovima FK "Unis" Vogošća, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Studio dva" d.o.o. Sarajevo
2. Nadležnoj Službi
3. U dosije
4. a/a

info@dva.ba



OPĆINSKI NAČELNIK

Edin Smajić
Edin Smajić